

簡選兵馬官及下計各衙門擅自拘喚凌辱例

成化六年七月十二日吏部尚書姚等題該太監許安

傳奉

聖旨五城兵馬多有不稱職吏部會同兵部并錦衣衛指揮
朱驥逐一簡選軟弱的改調外任別選有財力的不拘
監生吏員出身照數銓補欽此欽遵會同兵部
等衙門太子少保兼兵部尚書白等共同簡
選五城兵馬指揮司指揮張寧李純副指揮
楊劉凱趙原曹英吏目李願王宗八員年力精爽
仍留辦事共指揮傅潤伏戎副指揮謝泰董俊曹
泰喻昱周晟吏目陳明俱各年合無照例致仕指
揮黃宗副指揮軍安徐正王智馬經王溥馬驥丁
暉陳佑姚讓程鉉張政吏目何昌呂高俱各軟弱

合當改調外任所據官缺吏部另簡選財力堪任者
除指照得五城兵馬該職專訪察奸宄禁捕盜賊疏
通溝渠潔淨街道巡視風火及市井爭鬧詐偽等事
京城內外晝夜巡歷最爲緊要其責頗繁近年多被
內外衙門不分公事大小務差委繁冗防禦弓兵多爲占
侵兵馬官員隻身單騎勢孤力弱豪強之人無故拘喚凌
辱挫折百端委靡日其軍民人等視如等閑全無忌憚
火夫牌甲不聽節制其居民倚勢避役不肯坐鋪人
甲又爲雜差所擾是以十鋪九空賊盜四至街道汙穢
溝渠壅塞殺人放火往往莫究其由京城之間藏
奸蓄盜比於外處尤甚誠爲未便不可不爲處
置伏乞

皇明稍重其權凡該衙門不相統攝者不得擅自拘喚凌辱

防禦弓兵不許占用及不許遠差處檢屍勾攝巡
因逃匿等項勞擾官弓火甲今後各城官員務要
用心晝夜巡警地方鋪舍器械火夫各要齊備巡
更叫牌一遵舊規在處沿謹街道溝渠如法整治
若有不用心防範賊盜縱橫殺人放火不測等事不
即補減者聽巡城御史叅究問罪犯三次者降點
及照各城地方廣闊官少卒難巡歷合無暫且每城添
設副指揮二員分管巡治候無事之日吏部取回別用奉
聖旨是今後兵馬司務要遵依舊例行事內外各衙門不許
擅自勾喚凌辱及占用弓兵火夫違了的許他徑自叅
問欽此